

Službeni glasnik BiH, broj 3/10

Na osnovu člana 9. stav 2. Zakona o graničnoj kontroli ("Službeni glasnik BiH", broj 53/09), i člana 15. stav 2. tačka a) Zakona o graničnoj policiji Bosne i Hercegovine ("Službeni glasnik BiH", broj 54/04, 27/07, 59/09), direktor Granične policije Bosne i Hercegovine donosi

PRAVILNIK

O GRANIČNOJ KONTROLI U MEĐUNARODNOM TRANZITNOM SAOBRAĆAJU

I. OPĆE ODREDBE

Član 1.

Ovim Pravilnikom propisuju se uslovi za vršenje granične kontrole, mjesto i način vršenja granične kontrole u međunarodnom tranzitnom vazdušnom saobraćaju i međunarodnom tranzitnom saobraćaju u morskim lukama i lukama unutrašnjih voda preko kojih se odvija međunarodni saobraćaj.

II. GRANIČNA KONTROLA U MEĐUNARODNOM TRANZITNOM VAZDUŠNOM SAOBRAĆAJU

Član 2.

(1) Granična kontrola se, u pravilu neće obavljati u međunarodnom tranzitnom vazdušnom saobraćaju, nakon slijetanja aviona na aerodrom, ako putnici ne napuštaju avion ili se nalaze u prostoru za tranzit putnika na području graničnog prelaza.(2) Iz bezbjednosnih razloga, te ako postoji osnovana sumnja u zloupotrebu tranzita na određenim letovima iz stava (1) ovog člana, može se izvršiti granična kontrola u skladu sa odredbama Zakona o graničnoj kontroli i drugih važećih propisa.(3) Bezbjednosne razloge iz stava (2) ovog člana predstavljaju svi akti usmjereni protiv izvršavanja poslova radi kojih se obavlja granična kontrola iz člana 2. stav 1. Zakona o graničnoj kontroli ("Službeni glasnik BiH", broj 53/09).(4) U slučajevima iz stava (2) ovog člana, granična kontrola se može obavljati u avionu, na stajanci prilikom izlaska putnika iz aviona ili ulaska u avion, odnosno u prostorima za putnike.

III. GRANIČNA KONTROLA U MEĐUNARODNOM TRANZITNOM POMORSKOM I RIJEČNOM SAOBRAĆAJU

Član 3.

(1) Granična kontrola se u pravilu, neće obavljati u međunarodnom tranzitnom pomorskom saobraćaju, ili međunarodnom tranzitnom saobraćaju na unutrašnjim vodama nakon uplovljavanja plovila u luku, ako putnici ne napuštaju plovilo ili se nalaze u prostoru za tranzit putnika na području graničnog prelaza.(2) Iz bezbjednosnih razloga, te ako postoji osnovana sumnja u zloupotrebu tranzita na određenim relacijama plovidbe iz stava (1) ovog člana, može se izvršiti granična kontrola u skladu sa odredbama Zakona o graničnoj kontroli i drugih važećih propisa.(3) Bezbjednosne razloge iz stava (2) ovog člana predstavljaju svi akti usmjereni protiv izvršavanja poslova radi kojih se obavlja granična kontrola iz člana 2. stav 1. Zakona o graničnoj kontroli ("Službeni glasnik BiH", broj 53/09).(4) U slučajevima iz stava (2) ovog člana, granična kontrola se može obavljati nakon uplovljavanja ili prije isplovljavanja plovila-na plovilu, odnosno prilikom ukrcavanja ili iskrcavanja putnika sa plovila.

IV. PRIJELAZNE I ZAVRŠNE ODREDBE

Član 4.

Ovaj Pravilnik stupa na snagu osmog dana od dana objavljivanja u "Službenom glasniku BiH".

Broj 18-05-1-02-3-3082/09 9. decembra 2009. godine Sarajevo

Direktor **Vinko Dumančić**, s. r.